

Broj: 06-11-246/2024-R-3-10
Sarajevo, 19.03.2024. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14 i 59/22), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, sekretar Vlade Federacije Bosne i Hercegovine, d o n o s i

ODLUKU
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA TONERA ZA POTREBE GENERALNOG SEKRETARIJATA VLADE
FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka tonera za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246/2024-R-3-1, broj Obavještenja o nabavci sa portala javnih nabavki: 854-7-1-32-3-10/24 od 21.02.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 16/24, kao najbolje ocijenjena prihvatljiva ponuda je ponuda ponuđača **DEFTER d.o.o. Sarajevo**, sa ukupnom cijenom ponude bez PDV-a, nakon provedene e-aukcije, u iznosu **10.070,00 KM**.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora Ponuđač je ponudio najnižu cijenu nakon provedene e-aukcije.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-11-246/2024-R-3 od 19.02.2024. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 18.000,00 KM bez PDV-a. Obavijest o nabavci poslana je na objavu 21.02.2024. godine, te je istog dana objavljena na portalu Javnih nabavki pod brojem: 854-7-1-32-3-10/24, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 16/24.

Tendersku dokumentaciju preuzela su 22 (dvadesetdva) privredna subjekta, a 5 (pet) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: PRIMAPROM d.o.o. Banja Luka, ALF-OM d.o.o. Banja Luka, Poslovna jedinica Istočno Sarajevo, DEFTER d.o.o. Sarajevo, ELKOM d.o.o. Vitez i AERO-EXCLUSIVE d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, izvršila je pregled i ocjenu ponuda, te konstatovala da su, od ukupno 5 (pet) dostavljenih ponuda, prihvatljive 4 (četiri) i to ponude ponuđača: PRIMAPROM d.o.o. Banja Luka, DEFTER d.o.o. Sarajevo, ELKOM d.o.o. Vitez i AERO-EXCLUSIVE d.o.o. Sarajevo, dok je 1 (jedna) neprihvatljiva i to ponuda ponuđača ALF-OM d.o.o. Banja Luka, Poslovna jedinica Istočno Sarajevo.

Ponuda ponuđača ALF-OM d.o.o. Banja Luka, Poslovna jedinica Istočno Sarajevo ocijenjena je kao neprihvatljiva iz sljedećeg razloga:

- U Tenderskoj dokumentaciji, tačka 3. *USLOVI ZA UČEŠĆE I POTREBNI DOKAZI*, podtačka 3.3. *Ekonomska i finansijska sposobnost (član 47. tačke a) i c) Zakona) Dokazi koji se zahtijevaju*, između ostalog, propisano je: „*Potvrda poslovne banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (21.02.2024. godine), transakcijski račun ponuđača nije bio blokiran...*”.

Ponuđač ALF-OM d.o.o. Banja Luka, Poslovna jedinica Istočno Sarajevo dostavio je *Potvrdu o solventnosti transakcijskog računa kod Raiffeisen bank DD BiH*, broj: 00072/24 od 11.01.2024. godine izdatu od Raiffeisen bank, Glavna Filijala Banja Luka. Priložena potvrda ne uključuje i datum objavljivanja Obavještenja o nabavci (21.02.2024. godine), kako je traženo Tenderskom dokumentacijom.

U skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23) provedena je e-aukcija dana 18.03.2024. godine, sa početkom u 09.59 sati, za javnu nabavku roba – nabavka tonera.

Nakon provedene e-aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-246/2024-R-3-9 od 18.03.2024. godine i Preporuku o izboru najpovoljnijeg ponuđača DEFTER d.o.o. Sarajevo, sa registriranim sjedištem u Sarajevu, ID broj: 4200303990007 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

[Handwritten signature]
dr.šci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove